

Kirola nagusi

Egunak aurrera doaz eta Santioko jaien azkenaurreko egunera iritsi gara. Santa Ana Eguna hain zuzen ere. Gaurko egunak badu garrantzia Santio Egunaekin batera. Baina, desberdin ospatzen da honako jai hau. Santa Ana Eguna gauza asko ekartzen ditu. Alde batetik, santoral alde-tik, pertsona askok, eta ez Astigarragan bakarrik, ospatzen duten eguna; eta, bestetik, Astigarragari lotuta dagoen herri kirolen eguna. Gaur egun jakin badakigu herri kirolak oso galdurik daudela. Hori dela eta, harro senti gaitezke gure herri honetan urtetik urtera ospatzen dugun egun honengatik. Kirol eta ikustaldi ugari bildu eta eskaintzen dira egun honetan eta horiek dira jarraian azalduko ditugunak; Santa Ana egunean Astigarragara hurbildu nahi duen edonork bertan aurkituko duena argi izan dezan.

Egunero gertatu izan den bezala, goiz esnatu nahi duen guztientzat festa ez da inolaz ere faltako. Egun honetan ere, goizeko 8:30etan trakaren soinu atsegin eta zaratzatsua izango dugu, gure herri honetan jaiak esnatzeko erabiltzen den modurik egokiena baita eta, gainera, esan beharra dago honetara gogo handiz ohitu garena. Ordu erdi geroago, musikak, trikitiak eta euskal giroak bazterrak beteko dituzte. Goizeko 9:00etan, Laja eta Landakanda izango ditugu gure artean, ondoren Zubietatik datozen zantantzarrak entzun eta ikusi ahal izateko.

Jaietako lehen eguna hurrei zuzendurikoa izan bazen ere, egun honetan ere ongi pasatzeko



Idi probak eta beste herri kirol batzuk izango dituzte gaur Astigarragan. ♦ ADOLFO

aukera izango dute umeek. Horretarako Xagu-Xar taldeak lan ugari egin duela esan beharra dago: 11:00etan, haurrentzako parkea egongo da, zezen mekanikoa, kars eta abar. 11:30etan, urte askotan gure artean izan dugun sagardo dastaketa egongo da beti bezala foru enparantzan. Honek ere baditu bere istorioak. Behin baino gehiagotan gerturatu den inork jakingo du, behar den edalontzia eskuratu ondoren, Astigarragako sagardogile ugari egindako sagardo gozoa probatzeko aukera egongo dela dohainik.

Gainera pixka bat freskatu ondoren, giroan sartzeko sagardogintza tresna berezien erakusketa izango dugu ikusgai, sagardoaren hiriburu gisa ezaguna

den herri honetaz zertxobait gehiago ikasteko bidean. Honekin batera, Zipotza elkarteak sagardoari buruz eginiko bideo emanaldia eskainiko du. Dena den, hau ez da guztia, Azpeitiko Mikel Garmendia uztargilearen lan jardura izango dugu eta.

Eguerdian, 12:00etan, herri kirolak izango ditugu. Lasarteko Telleria, Frantsila berriko J. Loinaz eta Oreretako Itzinarte partaideen eskutik idi-dema izango dugu. Oraingo honetan, urte osoan (San Isidroetan izan ezik), herriko enparantzan geldirik egon den 2.000 kiloko harria garraiatzea izango da lana. Lan gogor honi pisu pixka bat kentzeko asmoz eta, jakina, Santa Ana Eguna girotzeko asmoz, tartean Peñagarikano eta Sarasua- ren bertsoak izango ditugu. 2:00etan, berriz, galdu ez den ohitura gozoa izango dugu: herri bazkaria.

Barrenak ondo bete ondoren, arratsaldeko 6:30etan, gustu handiz gainera, idi-demarekin egun honetako bihotza den kirol jaialdiari ekingo zaio. Bertan, batetik, herritarren arteko kirol

proba egongo da; beraien zeregin- na belar biltzea izango da. Bestetik, harrijasotzaileen saioa izango dugu ikusgai. Aurten, J. Ostolaza eta Astigarragako Pello Sanserena ariko dira norge- hiagoka. Azkenik, Antton Irazus- tabarrena eta Luis Altunaren es- kutik, jaialdi honi bukaera emango dion egurlantzea egongo da. Segidan, Santa Ana egun ba- tean falta ezin den erromeria.

Arratseko 8:00etan, txarangak girotu sokamuturren ausartek ez dute hutsik egingo. Egune- ko ekitaldiak bukatzeko, ia estrei- natu berria dugun udal pilotale- kuan hainbat ikuskizun izango ditugu. 8:30etan, urtean aerobic egin dutenek prestatutako fes- taerobic erakustaldia eskainiko dute. Gaueko 10:30etan, nahiz eta berandu izan, udal pilotale- kua behar den bezala argiztatu- rik, esku pilota jaialdia egongo da. Afizionatuen kategorian, Carrete-Gastezi eta Viente-De Santos izango ditugu jokoa eta beterranoen aldetik, Lazkano- Andueza VI.a eta Atano XII-To- losa.

Santa Ana egunak kirolari es-



egitaraua

08:30etan: Traka.
09:00etan: Trikitixa, Laja eta Landakandarekin. Ondoren, Zubietako zantantzarrak izango dira.
11:00etan: Haurrentzako parkea, buruhandiek, zezen mekanikoa, kars-ekin...
11:30etan: Sagardo dastaketa eta edaria egiteko erabilitako tresneriaren erakusketa. Era berean, Zipotza elkarteak sagardoari buruzko bideo emanaldi bat ere izango da, besteak beste.
12:00etan: Herri kirolak. Idi probak 2.000 kiloko harria mugituko du. Ondoren, Jon Sarasuak eta Angel Mari Peñagarikanok bertso saioa eskainiko dute.
14:30etan: Bazkaria.
16:00etan: Haurrentzako parkea: kar-ak, zezen mekanikoa...
18:30etan: Herri kirolak, harria jasotzeari eta belarra batzeari ekingo diote. Era berean, egurrezko lanak egiten ere ikusi ahal izango da. Ondoren, erromeria.
20:00etan: Sokamuturra, Txalaparta txarangak alaiturik.
20:30etan: Festaerobic, udal pilotalekuan.
22:30etan: Afizionatuen eta beterranoen arteko eskuzko pilota partiduak.
23:30etan: Erromeria, Trakets taldearen eskutik.

kaini dion tartea txikia dela iru- ditu zaion edonor balego, eta momenturako nekatu ez den guztiak, 11:30etan, Trakots taldearen eskutik, dantzan egiteko aukera izango du.

Gaurko egitarauari esker, kirol ugari ikusi eta egiteko aukera izango dugu eta, hala ez bada ere, euskaldunontzat hain garrantzi- sua den herri kirolen mundua berreskuratzeko dugu ordu bat- zuz behintzat. Tamalez, eguna bukatzearekin batera, biharko koadrilen eguna iritsiko zaigu, pentsatu baino lehen, eta honek aurtengo Santioetako azken egunera allegatu garena adierazi- ko du. Horrela bada ere, hurren- go urteko txupinazoa entzuteko egun batzuk gutxiago geratzen zaizkigula pentsatzeko behar beste baikorrak garena argituko dugu.

ANA JIMENEZ

EKAITZ TABERNA

Jai zoriontsuak opa dizkizue!!



Tomas Alba, 9
Tf.: 55 39 43

ASTIGARRAGA

Egunkaria k

JAI ZORIONTSUAK OPA DIZKIZUE!!



Rafa Garaiakoetxea
MEDIKU ODONTOLOGOA
415. KOLEGIATUA

Kale Nagusia, 31

Tf. 33 00 89

ASTIGARRAGA

ISABEL JANARIDENDA

Tomas Alba, 11

ASTIGARRAGA

Tf.: 55 23 67



"LABO" S.L. BURDINAK

26 Poligono Industrialdea (28 Partzela)

Tf.: 55 58 00 Faxes: 55 75 01

ASTIGARRAGA (Gipuzkoa)

Santio jai zoriontsuak opa dizkizue!!

LEUN S.A.L. BATERIAK

▲ Bateriak eta Trakzio ekipoen banaketa eta zaintze lana.

▲ Gipuzkoa, Nafarroa eta Errioxako Banatzaile Exklusiboa.

Donostia Ibilbidea, 42 - 15. partzela - 13. lokala 26. Poligonoa
Tel.: 33 01 81 - Faxes: 33 01 97 ASTIGARRAGA

SAMSÓ PISATZE INDUSTRIALA

SAMSÓ, S. A. Baskulak
26 Pol. Ind.
Tf.: (943) 55 48 83 - 55 16 21
Faxes: (943) 33 16 02
Ergobia Auzoa
20014 ASTIGARRAGA